



# **MSAADA UTOKAO JUU MBINGUNI**

Kimetungwa Na  
Watson Goodman

Hakiuzwi

## **MSAADA UTOKAO JUU MBINGUNI**

***Msaada Utokao Juu Mbinguni* kimetengenezwa kuwa kidogo ili kiweze kuchukuliwa na kusomwa, mtu anapomngoja mwingine. Maneno makuu yamechaguliwa kutoka katika maandiko matakatifu yaani Biblia.**

**Neno la Mungu “lakota juu,” nani msaada mkuu kwa mioyo yenye njaa, na kiu kwa haki. Mtu akitubu, na kuziacha dhambi, na kumwamini Mwokozi, Bwana Yesu Kristo, kwa moyo wake wote, Bwana atajidhihirisha Mwenyewe kwake, na kuleta furaha na amani katika reho ya mwamini. Nalifanyiwa hayo mwenyewe katika mwaka wa 1937, ni miaka mingi imepita, na sijaweza kuvunja uhusiano wangu na Bwana. Ninakuhimidi ujitolee kwake SASA ikiwa hujafanya hivyo. —Watson Goodman (1920-2002)**

---

Text reprinted from the Bible in Kiswahili ©1952 by permission of United Bible Societies Africa Regional Centre, Nairobi, Kenya.

# UPENDO WAKE MUNGU

1

**Yohana Mtakatifu 3:16**

**Kwa maana jinsi hii Mungu aliupenda ulimwengu, hata akamtoa Mwanawe pekee, ili kila mtu amwaminiye asipotee, bali awe na uzima wa milele.**

**Yohana Mtakatifu 13:1**

**Basi, kabla ya sikukuu ya Pasaka, Yesu, hali akijua ya kuwa saa yake imefika, atakayotoka katika ulimwengu kwenda kwa Baba, naye ali amewapenda watu wake katika ulimwengu, aliwapenda upeo.**

**Yohana Mtakatifu 15:13**

**Hakuna aliye na upendo mwingi kuliko huu, wa mtu kuutoa uhai wake kwa ajili ya rafiki zake.**

**Warumi 5:8**

**Bali Mungu aonyesha pendo lake yeye mwenyewe kwetu sisi, kwa kuwa Kristo alikufa kwa ajili yetu, tulipokuwa tungali wenye dhambi.**

**Yeremia 31:3**

**BWANA alinitokea zamani, akisema, Naam, nimekupenda kwa upendo wa milele, ndiyo maana nimekuvuta kwa fadhili zangu.**

**Ufunuo Wa Yohana 1:5**

**Tena zitokazo kwa Yesu Kristo, shahidi aliye mwaminifu, mzaliwa wa kwanza wa waliokufa, na mkuu wa wafalme wa dunia. Yeye atupendaye na kutuosha dhambi zetu katika damu yake.**

## **2 UUNGU WAKE YESU KRISTO**

**Mathayo Mtakatifu 1:22, 23**

**Hayo yote yamekuwa, ili liti-  
mie neno lililonenwa na Bwana  
kwa ujumbe wa nabii akisema,  
Tazama, bikira atachukua mimba,  
Naye atazaa mwana; Nao wata-  
mwita jina lake Imanueli; Yaani,  
Mungu pamoja nasi.**

**Yohana Mtakatifu 1:1, 14**

**Hapo mwanzo kulikuwako Ne-  
no, naye Neno alikuwako kwa  
Mungu, naye Neno alikuwa Mu-  
ngu. . . . Naye Neno alifanyika  
mwili, akakaa kwetu; nasi tu-  
kauona utukufu wake, utukufu  
kama wa Mwana pekee atokaye  
kwa Baba; amejaa neema na  
kweli.**

**1 Timotheo 3:16**

**Na bila shaka siri ya utauwa  
ni kuu. Mungu alidhibirishwa  
katika mwili, Akajulika kuwa na  
haki katika roho, Akaonekana na  
malaika, Akahubiriwa katika ma-  
taifa, Akaaminiwa katika ulimwe-  
ngu, Akachukuliwa juu katika  
utukufu.**

**Yohana Mtakatifu 14:9, 10a**

**Yesu akamwambia, Mimi ni-  
mekuwapo pamoja nanyi siku hi-  
zi zote, wewe usinijue, Filipino?  
Aliyeniona mimi amemwona Ba-  
ba; basi wewe wasemaje, Utuo-  
nyeshe Baba? Husadiki ya kwa-  
mba mimi ni ndani ya Baba, na  
Baba yu ndani yangu?**

# YESU MWANA WA MUNGU

3

**Isaya 9:6**

Maana kwa ajili yetu mtoto amezaliwa, Tumepewa mtoto mwanamume; Na uweza wa kifalme utakuwa begani mwake; Naye ataitwa jina lake, Mshauri wa ajabu, Mungu mwenye nguvu, Baba wa milele, Mfalme waamani.

**Luka Mtakatifu 1:35**

Malaika akajibu akamwambia, Robo Mtakatifu atakujilia juu yako, na nguvu zake Aliye juu zita kufunika kama kivuli; kwa sababu hiyo hicho kitakachozaliwa kitaitwa kitakatifu, Mwana wa Mungu.

**Mathayo Mtakatifu 17:5**

Alipokuwa katika kusema, tazama, wingu jeupe likawatia uvuli; na tazama, sauti ikatoka katika lile wingu, ikasema, Huyu ni Mwanangu, mpendwa wangu, ninayependezwa naye; msikieni yeye.

**Wakolosai 2:9**

Maana katika yeye unakaa utimilifu wote wa Mungu, kwa jinsi ya kimwili.

**Waraka Wa Kwanza Wa  
Yohana 4:15**

Kila akiriye ya kuwa Yesu ni Mwana wa Mungu, Mungu bukaa ndani yake, naye ndani ya Mungu.

## **4 YESU AJITAMBUA**

### **Yohana Mtakatifu 11:25**

**Yesu akamwambia, Mimi ndimi huo ufufuo, na uzima. Yeye aniaminiye mimi, ajapokufa, atakuwa anaishi.**

### **Yohana Mtakatifu 8:23**

**Akawaambia, Ninyi ni wa chini, mimi ni wa juu; ninyi ni wa ulimwengu huu, mimi si wa ulimwengu huu.**

### **Yohana Mtakatifu 9:5**

**Muda nilipo ulimwenguni, mimi ni nuru ya ulimwengu.**

### **Yohana Mtakatifu 10:7**

**Basi Yesu aliwaambia tena, Amin, amin, nawaambieni, Mimi ndimi mlango wa kondoo.**

### **Yohana Mtakatifu 13:13**

**Ninyi mwaniita, Mwalimu, na, Bwana; nanyi mwanena vema, maana ndivyo nilivyo.**

### **Yohana Mtakatifu 6:35**

**Yesu akawaambia, Mimi ndimi chakula cha uzima; yeye ajaye kwangu hataona njaa kabisa, naye aniaminiye hataona kiu kamwe.**

### **Yohana Mtakatifu 4:25, 26**

**Yule mwanamke akamwambia, Najua ya kuwa yuaja Masihi, (aitwaye Kristo); naye atakapokuja, yeye atatufunulia mambo yote. Yesu akamwambia, Mimi ninayesema nawe, ndiye.**

## MIUJIZA YESU ALIYOTENDA

5

**Luka Mtakatifu 5:4-6**

Hata alipokwisha kunena, alimwambia Simoni, Tweka mpaka kilindini, mkashushe nyavu zenu mvue samaki. Simoni akajibu akamwambia, Bwana mkubwa, tumefanya kazi ya kuchosha usiku kucha, tusipate kitu; lakini kwa neno lako nitazishusha nyavu. Basi, walipofanya hivyo walipata samaki wengi mno, nyavu zao zikaanza kukatika.

**Mathayo Mtakatifu 20:30, 34**

Na tazama, vipofu wawili wameketi kando ya njia, nao waliposikia ya kwamba Yesu anapita, walipaza sauti, wakisema, Uture-

hemu, Bwana, mwana wa Daudi! . . . Yesu akawahurumia, akawagusa macho yao; mara wakapata kuona, wakamfuata.

**Mathayo Mtakatifu 14:19-21**

Akawaagiza makutano waketi katika majani; akaitwaa ile mikate mitano na wale samaki wawili, akatazama juu mbinguni, akabariiki, akaimega ile mikate, akawaapa wanafunzi, wanafunzi wakawaapa makutano. Wakala wote wakashiba; wakayaokota masazo ya vipande vya mikate, vikapu kumi na viwili, vimejaa. Nao waliokula walikuwa wanaume wapata elfutano, bila wanawake na watoto.

**Wakolosai 1:16**

**Kwa kuwa katika yeye vitu vyote viliumbwa, vilivyo mbinguni na vilivyo juu ya nchi, vinavyoonekana na visivyoonekana; ikiwa ni viti vya enzi, au usultani, au enzi, au mamlaka; vitu vyote viliumbwa kwa njia yake, na kwa ajili yake.**

**Waraka Kwa Waebrania 1:2**

**Mungu. . . mwisho wa siku hizi amesema na sisi katika Mwana, aliyemweka kuwa mrithi wa yote, tena kwa yeye aliufanya ulimwengu.**

**Matendo Ya Mitume 2:36**

**Basi nyumba yote ya Israeli na wajue yakini ya kwamba Mungu**

**amemfanya Yesu huyo mliyemsulibisha kuwa Bwana na Kristo.**

**Warumi 14:9**

**Maana Kristo alikufa akawa hai tena kwa sababu hii, awamiliki waliokufa na walio hai pia.**

**1 Wakorintho 1:9**

**Mungu ni mwaminifu ambaye mliitwa na yeye mwingie katika ushirika wa Mwanawe, Yesu Kristo Bwana wetu.**

**Waefeso 3:9**

**Na kuwaangaza watu wote wajue habari za madaraka ya siri hiyo, ambayo tangu zamani zote ilisitirika katika Mungu aliyeviumba vitu vyote.**



# YESU KRISTO NI MWAMUZI WA WOTE

7

**Mathayo Mtakatifu 25:32**

**Na mataifa yote watakusanyika mbele zake; naye atawabagua kama vile mchungaji abaguavyo kondoo na mbuzi.**

**Matendo Ya Mitume 10:42**

**Akatuagiza tuwahubiri watu na kushuhudia ya kuwa huyu ndiye aliyeamriwa na Mungu awe Mhukumu wa wahai na wafu.**

**2 Timotheo 4:1**

**Nakuagiza mbele za Mungu, na mbele za Kristo Yesu, atakayewahukumu walio hai na walio-kufa; kwa kufunuliwa kwake na kwa ufalme wake.**

**Yohana Mtakatifu 5:22**

**Tena Baba hambukumu mtu ye yote, bali amempa Mwana hukumu yote.**

**Warumi 2:16**

**Katika siku ile Mungu atakapozihukumu siri za wanadamu, sawasawa na injili yangu, kwa Kristo Yesu.**

**Warumi 14:10**

**Lakini wewe je! mbona wamhukumu ndugu yako? au wewe je! mbona wamdharau ndugu yako? Kwa maana sisi sote tutasimama mbele ya kiti cha hukumu cha Mungu.**

## UKOMBOZI HUTOKA KWA KRISTO TU

**Yohana Mtakatifu 10:9**

Mimi ndimi mlango; mtu akiingia kwa mimi, ataokoka; ataingia na kutoka, naye atapata malisho.

**Yohana Mtakatifu 14:6**

Yesu akamwambia, Mimi ndimi njia, na kweli, na uzima; mtu haji kwa Baba, ila kwa njia ya mimi.

**Waraka Kwa Waebrania 7:25**

Naye, kwa sababu hii, aweza kuwaokoa kabisa wao wamjiao Mungu kwa yeye; maana yu hai sikuzote ili awaombee.

**Waraka Kwa Waebrania 5:9**

Naye alipokwisha kukamili-shwa, akawa sababu ya wokovu

wa milele kwa watu wote wanaomtii.

**Yohana Mtakatifu 8:24**

Kwa hiyo naliwaambieni ya kwamba mtakufa katika dhambi zenu; kwa sababu msiposadiki ya kuwa mimi ndiye, mtakufa katika dhambi zenu.

**Matendo Ya Mitume 4:12**

Wala hakuna wokovu katika mwingine awaye yote, kwa maana hapana jina jingine chini ya mbingu walilopewa wanadamu litupasalo sisi kuokolewa kwalo.

**Warumi 3:24**

Wanahesabiwa haki bure kwa neema yake, kwa njia ya ukombozi ulio katika Kristo Yesu.

## Ufunuo Wa Yohana 5:9

Nao waimba wimbo mpya wakisema, Wastabili wewe kukitwaa hicho kitabu na kuzifungua muhuri zake; kwa kuwa ulichinjwa, ukamnunulia Mungu kwa damu yako watu wa kila kabila na lugha na jamaa na taifa.

## Wakolosai 1:12-14

Mkimshukuru Baba, aliyewastabilisha kupokea sehemu ya urithi wa watakatifu katika nuru. Naye alituokoa katika nguvu za giza, akatuhamisha na kutuingiza katika ufalme wa Mwana wa pendo lake; ambaye katika yeye tuna ukombozi, yaani, msamaha wa dhambi.

## Luka Mtakatifu 19:10

Kwa kuwa Mwana wa Adamu alikuja kutafuta na kuokoa kile kilichopotea.

## Tito 2:14

Ambaye alijitoa nafsi yake kwa ajili yetu, ili atukomboe na maasi yote, na kujisafishia watu wawe milki yake mwenyewe, wale walio na juhudi katika matendo mema.

## 1 Wakorintho 1:30

Bali kwa yeye ninyi mmepata kuwa katika Kristo Yesu, aliye-fanywa kwetu hekima itokayo kwa Mungu, na haki, na utakatifu, na ukombozi.

## **10 UPATANISHO KWA DAMU YA KRISTO**

**Waraka Wa Kwanza  
Wa Petro 1:18, 19**

**Nanyi mfahamu kwamba mlikombolewa si kwa vitu viharibikavyo, kwa fedha au dhahabu; mpate kutoka katika mwenendo wenu usiofaa mlioupokea kwa baba zenu; bali kwa damu ya thamani, kama ya mwana-kondoo asiye na ila, asiye na waa, yaani, ya Kristo.**

**Waraka Wa Kwanza  
Wa Yohana 1:7**

**Bali tukienenda nuruni, kama yeye alivyo katika nuru, twashirikiana sisi kwa sisi, na damu yake Yesu, Mwana wake, yatusafisha dhambi yote.**

**Waraka Kwa Waebrania 9:14  
Basi si zaidi damu yake Kristo, ambaye kwamba kwa Roho wa milele alijitoa nafsi yake kwa Mungu kuwa sadaka isiyo na mawaa, itawasafisha dhamiri zenu na matendo mafu, mpate kumwabudu Mungu aliye hai?**

**Warumi 5:9**

**Basi zaidi sana tukiisha kuhesabiwa haki katika damu yake, tutaokolewa na ghadhabu kwa yeye.**

**Waefeso 1:7**

**Katika yeye huyo, kwa damu yake, tunao ukombozi wetu, masamaha ya dhambi, sawasawa na wingi wa neema yake.**

# WOKOVU NI KWA IMANI KATIKA KRISTO

11

**Waefeso 2:8, 9**

**Kwa maana mmeokolewa kwa neema, kwa njia ya imani; ambayo hiyo haikutokana na nafsi zenu, ni kipawa cha Mungu; wala si kwa matendo, mtu awaye yote asiye akajisifu.**

**Warumi 5:1**

**Basi tukiisha kuhesabiwa haki itokayo katika imani, na tuwe na amani kwa Mungu, kwa njia ya Bwana wetu Yesu Kristo.**

**Yohana Mtakatifu 20:31**

**Lakini hizi zimeandikwa; ili mpate kuamini ya kwamba Yesu ndiye Kristo, Mwana wa Mungu; na kwa kuamini mwe na uzima kwa jina lake.**

**Waraka Wa Kwanza**

**Wa Yohana 5:4**

**Kwa maana kila kitu kilichozaliwa na Mungu huushinda ulimwengu; na huku ndiko kushinda kuushindako ulimwengu, hiyo imani yetu.**

**Yohana Mtakatifu 6:28, 29**

**Basi wakamwambia, Tufanyeje ili tupate kuzitenda kazi za Mungu? Yesu akajibu, akawaambia, Hii ndiyo kazi ya Mungu, mmwamini yeye aliyetumwa na yeye.**

**Matendo Ya Mitume 16:31**

**Wakamwambia, Mwamini Bwana Yesu, nawe utaokoka pamoja na nyumba yako.**

**Zaburi 103:11**

Maana mbingu zilivyoinuka juu ya nchi, Kadiri ileile rehema zake ni kuu kwa wamchao.

**Zaburi 103:17**

Bali fadhili za BWANA zina wamchao Tangu milele hata milele, Na haki yake ina wana wa wana.

**Mika 7:18**

Ni nani aliye Mungu kama we-we, mwenye kusamehe uovu, na kuliachilia kosa la watu wa urithi wake waliosalia? hasbiki hasira yake milele, kwa maana yeye hufurahia rehema.

**Tito 3:5**

Si kwa sababu ya matendo ya haki tuliyoyatenda sisi; bali kwa rehema yake, kwa kuoshwa kwa kuzaliwa kwa pili na kufanywa upya na Roho Mtakatifu.

**Zaburi 108:4**

Maana fadhili zako ni kubwa hata mbinguni, Na uaminifu wako hata mawinguni.

**Maombolezo 3:22, 23**

Ni huruma za BWANA kwamba hatuangamii, Kwa kuwa rehema zake hazikomi. Ni mpya kila siku asubuhi; Uaminifu wako ni mkuu.

**Isaya 1:18**

Haya, njoni, tusemezane, asema BWANA. Dhambi zenu zijapokuwa nyekundu sana, zitakuwa nyeupe kama theluji; zijapokuwa nyekundu kama bendera, zitakuwa kama sufu.

**Isaya 55:1**

Haya, kila aonaye kiu, njoni majini, Naye asiye na fedha; njoni, nunueni mle; Naam, njoni, nunueni divai na maziwa, Bila fedha na bila thamani.

**Mathayo Mtakatifu 11:28**

Njoni kwangu, ninyi nyote msumbukao na wenye kulemewa na mizigo, nami nitawapumzisha.

**Ufunuo Wa Yohana 22:17**

Na Roho na Bihi-arusi wasema, Njoo! Naye asikiaye na aseme, Njoo! Naye mwenye kiu na aje; na yeye atakaye, na ayatwae maji ya uzima bure.

**Yohana Mtakatifu 7:37**

Hata siku ya mwisho, siku ile kubwa ya sikukuu, Yesu akasimama, akapaza sauti yake akisema, Mtu akiona kiu, na aje kwangu anywe.

**2 Wakorintho 5:20**

Basi tu wajumbe kwa ajili ya Kristo, kana kwamba Mungu anasihi kwa vinywa vyetu; twawaomba ninyi kwa ajili ya Kristo mpatanishwe na Mungu.

**Waraka Wa Kwanza  
Wa Yohana 3:10**

**Katika hili watoto wa Mungu ni dbahiri, na watoto wa Ibilisi nao. Mtu ye yote asiyetenda baki hatokani na Mungu, wala yeye asiyempenda ndugu yake.**

**Warumi 8:14, 15**

**Kwa kuwa wote wanaoongozwa na Roho wa Mungu, hao ndio wana wa Mungu. Kwa kuwa hamkupokea tena roho ya utumwa iletayo hofu; bali mlipokea roho ya kufanywa wana, ambayo kwa hiyo twalia, Aba, yaani, Baba.**

**Wafilipi 2:15**

**Mpate kuwa wana wa Mungu wasio na lawama, wala udanga-**

**nyifu, wasio na ila kati ya kizazi chenye ukaidi, kilichopotoka; ambao kati ya hao mnaonekana kuwa kama mianga katika ulimwengu.**

**Yohana Mtakatifu 1:12**

**Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake.**

**2 Wakorintho 6:17, 18**

**Kwa hiyo, Tokeni kati yao, Mkatengwe nao, asema Bwana, Msiguse kitu kilicho kichafu, Nami nitawakaribisha. Nitakuwa Baba kwenu, Nanyi mtakuwa kwangu wanangu wa kiume na wa kike, asema Bwana Mwenyezi.**



# **ANENAYO MUNGU JUU YA KINYWAJI KILETACHO ULEVI 15**

**Mithali 23:31, 32**

**Usiitazame mvinyo iwapo ni nyekundu; litiapo bilauri rangi yake, ishukapo taratibu; Mwisho wake huuma kama nyoka; Huchoma kama fira.**

**Isaya 5:11**

**Ole wao waamkao asubuhi na mapema, wapate kufuata kileo; wakishinda sana hata usiku wa manane mpaka mvinyo imewaka kama moto ndani yao!**

**Wagalatia 5:19-21**

**Basi matendo ya mwili ni dhahiri, ndiyo haya, uasherati, ucha-fu, ufisadi, ibada ya sanamu, u-**

**chawi, uadui, ugomvi, wivu, hasira, fitina, faraka, uzushi, husuda, ulevi, ulafi, na mambo yanayofanana na hayo; katika hayo nawaambia mapema, kama nilivyokwisha kuwaambia, ya kwamba watu watendao mambo ya jinsi hiyo hawataurithi ufalme wa Mungu.**

**Warumi 13:13, 14**

**Kama ilivyohusika na mchana na tuenende kwa adabu; si kwa ulafi na ulevi, si kwa ufisadi na uasherati, si kwa ugomvi na wivu. Bali mvaeni Bwana Yesu Kristo, wala msiuangalie mwili, hata kuwasha tamaa zake.**

**Mithali 16:25**

Iko njia ionekanayo kuwa sawa machoni pa mtu; Lakini mwisho wake ni njia za mauti.

**Marko Mtakatifu 10:17-22**

Hata alipokuwa akitoka kwenenda njiani, mtu mmoja akaja mbio, akampigia magoti, akamwuliza, Mwalimu mwema, nifanye nini nipate kuurithi uzima wa milele? Yesu akamwambia, Kwa nini kuniita mwema? hakuna aliye mwema ila mmoja, ndiye Mungu. Wazijua amri, Usiue, Usizini, Usiibe, Usishuhudie uongo, Usida nganye, Waheshimu baba yako na mama yako. Akamwambia,

Mwalimu, haya yote nimeyashika tangu utoto wangu. Yesu akamkazia macho, akampenda, akamwambia, Umepungukiwa na neno moja. Enenda, ukauze ulivyo navyo vyote, uwape maskini, nawe utakuwa na hazina mbinguni; kisha njoo unifuata. Walakini yeye akakunja uso kwa neno hilo, akaenda zake kwa huzuni; kwa sababu alikuwa na mali nyingi.

**Mathayo Mtakatifu 22:37, 38**

Akamwambia, Mpende Bwana Mungu wako kwa moyo wako wote, na kwa roho yako yote, na kwa akili zako zote. Hii ndiyo amri iliyo kuu, tena ni ya kwanza.

## 1 Wakorintho 6:9, 10

Au hamjui ya kuwa wadhalimu hawataurithi ufalme wa Mungu? Msidanganyike; waasherati hawataurithi ufalme wa Mungu, wala waabudu sanamu, wala wazinzi, wala wafiraji, wala walawiti, wala wevi, wala watamano, wala walevi, wala watukanaji, wala wanyang'anyi.

## Wagalatia 6:3

Maana mtu akijiona kuwa ni kitu, naye si kitu, ajidanganya nafsi yake.

## Waraka Wa Yakobo 1:22

Lakini iweni watendaji wa neno, wala si wasikiaji tu, hali mkijidanganya nafsi zenu.

## Waraka Wa Kwanza

### Wa Yohana 3:7, 8a

Watoto wadogo, mtu na asiwadanganye; atendaye haki yuna haki, kama yeye alivyo na haki; atendaye dhambi ni wa Ibilisi; kwa kuwa Ibilisi hutenda dhambi tangu mwanzo.

## Mathayo Mtakatifu 24:5

Kwa sababu wengi watakuja kwa jina langu, wakisema, Mimi ni Kristo; nao watadanganya wengi.

## Waefeso 5:6

Mtu asiwadanganye kwa maneno yasiyo na maana; kwa kuwa kwa sababu ya hayo hasira ya Mungu huwajia wana wa uasi.

**Mithali 11:19**

Haki huelekea uzima; Afuataye maovu hufuata mauti yake mwenyewe.

**Warumi 5:12**

Kwa hiyo, kama kwa mtu mmoja dhambi iliingia ulimwengu, na kwa dhambi hiyo mauti; na hivyo mauti ikawafikia watu wote kwa sababu wote wamefanya dhambi.

**Luka Mtakatifu 15:32**

Tena, kufanya furaha na shangwe ilipasa, kwa kuwa huyu ndugu yako alikuwa amekufa, naye amefufuka; alikuwa amepotea, naye ameonekana.

**Waraka Wa Yakobo 1:15**

Halafu ile tamaa ikiisha kuchukua mimba huzaa dhambi, na ile dhambi ikiisha kukomaa huzaa mauti.

**Warumi 8:6**

Kwa kuwa nia ya mwili ni mauti; bali nia ya roho ni uzima na amani.

**Ezekieli 18:20**

Roho itendayo dhambi, ndiyo itakayokufa; mwana hatachukua uovu wa baba yake, wala baba hatachukua uovu wa mwanawe; haki yake mwenye haki itakuwa juu yake, na uovu wake mwenye uovu utakuwa juu yake.

**Luka Mtakatifu 7:14, 15**

**Akakaribia, akaligusa jeneza; wale waliokuwa wakilichukua wakasimama. Akasema, Kijana, nakuambia, Inuka. Yule maiti akainuka, akaketi, akaanza kusema. Akampa mama yake.**

**Ufunuo Wa Yohana 1:18**

**Na aliye hai; nami nalikuwa nimekufa, na tazama, ni hai hata milele na milele. Nami ninazo funguo za mauti, na za kuzimu.**

**Yohana Mtakatifu 10:17, 18**

**Ndiposa Baba anipenda, kwa sababu nautoa uhai wangu ili ni utwae tena. Hakuna mtu aniondoleaye, bali mimi nautoa mwenye-**

**we. Nami ninao uweza wa kuutoa, ninao na uweza wa kuutwaa tena. Agizo hilo nalilipokea kwa Baba yangu.**

**1 Wakorintho 15:25, 26**

**Maana sharti amiliki yeye, hata awaweke maadui wake wote chini ya miguu yake. Adui wa mwisho atakayebatilishwa ni mauti.**

**Yohana Mtakatifu 11:43, 44**

**Naye akiisha kusema hayo, akalia kwa sauti kuu, Lazaro, njoo huku nje. Akatoka nje yule aliyekufa, amefungwa sanda miguuni na mikononi, na uso wake amefungwa lesa. Naye Yesu akawaambia, Mfungueni, mkamwache aende zake.**

**Kumbukumbu La  
Torati 5:7-21**

**Usiwe na miungu mingine ila mimi.**

**Usijifanyie sanamu ya kucho-nga, mfano wa kitu cho chote kilicho juu mbinguni, au kilicho chini duniani, au kilicho majini chini ya nchi. Usivisujudie wala kuvitumikia.**

**Usilitaje bure Jina la BWANA Mungu wako; maana BWANA hatamhesabia kuwa hana hatia, mtu alitajaye jina lake bure.**

**Ishike siku ya sabato uitakase, kama BWANA, Mungu wako, alivyokuamuru. Siku sita fanya kazi, utende mambo yako yote;**

**lakini siku ya saba ni sabato ya BWANA, Mungu wako. . . Waheshimu baba yako na mama yako; kama BWANA, Mungu wako, alivyokuamuru, siku zako zipate kuzidi. . .**

**Usiue.**

**Wala usizini.**

**Wala usiibe.**

**Wala usimshuhudie jirani yako uongo.**

**Wala usimtamani mke wa jirani yako; wala usiitamani nyumba ya jirani yako, wala shamba lake, wala mtumwa wake, wala mjakazi wake, wala ng'ombe wake, wala punda wake, wala kitu cho chote alichho nacho jirani yako.**

## HUWEZI KUJIFICHA MBELE YA MUNGU

21

**Zaburi 139:8, 12**

**Kama ningepanda mbinguni,  
Wewe uko; Ningefanya kuzimu  
kitanda changu, Wewe uko. . .  
Giza nalo halikufichi kitu, Bali  
usiku huangaza kama mchana;  
Giza na mwanga kwako ni sawa-  
sawa.**

**Mithali 15:3**

**Macho ya BWANA yako kila  
mahali; Yakimchunguza mbaya  
na mwema.**

**Luka Mtakatifu 8:17**

**Kwa maana hakuna neno lili-  
lositirika ambalo halitafunuliwa;  
wala lililofichwa ambalo halita-  
julikana na kutokea wazi.**

**Kitabu Cha Ayubu 34:21, 22**

**Kwani macho yake ya juu ya  
njia za mtu, Naye huiona miendo  
yake yote. Hapana weusi, wala  
hilo giza tupu, Wawezapo kujifi-  
cha watendao udhalimu.**

**Yeremia 23:24**

**Je, mtu ye yote aweza kujifi-  
cha mahali pa siri, nisimwone?  
asema BWANA. Je! mbingu na  
nchi hazikujawa nami? asema  
BWANA.**

**Matendo Ya Mitume 17:27**

**Ili wantafute Mungu, ingawa  
ni kwa kupapasa-papasa, waka-  
mwone, ijapokuwa bawi mbali na  
kila mmoja wetu.**

## **22 ADHABU YA MILELE KWA WATENDAO MAOVU**

**Mathayo Mtakatifu 25:46**

**Na hao watakwenda zao kuingia katika adhabu ya milele; bali wenye haki watakwenda katika uzima wa milele.**

**Mathayo Mtakatifu 13:41, 42**

**Mwana wa Adamu atawatuma malaika zake, nao watakusanya kutoka katika ufalme wake machukizo yote, na hao watendao maasi, na kuwatupa katika tanuru ya moto; ndiko kutakuwako kilio na kusaga meno.**

**Zaburi 9:17**

**Wadhalimu watarejea kuzimu, Naam, mataifa yote wanaomsahau Mungu.**

**Waraka Wa Pili**

**Wa Petro 3:7**

**Lakini mbingu za sasa na nchi zimewekwa akiba kwa moto, kwa neno lilo hilo, zikilindwa hata siku ya hukumu, na ya kuangamia kwao wanadamu wasiomcha Mungu.**

**Mathayo Mtakatifu 18:8**

**Basi mkono wako au mguu wako ukikukosesha, ukate, ukautupe mbali nawe; ni afadhali kuingia katika uzima bali umepungukiwa na mkono au mguu, kuliko kuwa na mikono miwili au miguu miwili, na kutupwa katika moto wa milele.**



**Waraka Kwa Waebrania 9:27**

Na kama vile watu wanavyowekewa kufa mara moja, na bada ya kufa hukumu.

**2 Wakorintho 5:10**

Kwa maana imetupasa sisi sote kudhibirishwa mbele ya kiti cha hukumu cha Kristo, ili kila mtu apokee ijara ya mambo aliyotenda kwa mwili, kadiri alivyotenda, kwamba ni mema au mabaya.

**Waraka Wa Pili  
Wa Petro 2:9**

Basi, Bwana ajua kuwaokoa watauwa na majaribu, na kuwaweke wasio haki katika hali ya adhabu hata siku ya hukumu.

**Matendo Ya Mitume 17:31**

Kwa maana ameweka siku atakayowahukumu walimwengu kwa haki, kwa mtu yule aliyemchagua; naye amewapa watu wote uthabiti wa mambo haya kwa kumfufua katika wafu.

**Waraka Wa Kwanza Wa  
Yohana 4:17**

Katika hili pendo limekamili-shwa kwetu, ili tuwe na ujasiri katika siku ya hukumu; kwa kuwa, kama yeye alivyo, ndivyo tulivyo na sisi ulimwenguni humu.

**Warumi 14:12**

Basi ni hivyo, kila mtu miongoni mwetu atatoa habari zake mwenyewe mbele za Mungu.

**2 Wakorintho 8:9**

Maana mmejua neema ya Bwana wetu Yesu Kristo, jinsi alivyokuwa maskini kwa ajili yenu, ingawa alikuwa tajiri, ili kwamba ninyi mpate kuwa matajiri kwa umaskini wake.

**Matendo Ya Mitume 4:33**

Na mitume wakatoa ushuhuda wa kufufuka kwake Yesu kwa nguvu nyingi, na neema nyingi ikawa juu yao wote.

**Waraka Wa Kwanza Wa Petro 5:5b**

. . . kwa sababu Mungu huwapinga wenye kiburi, lakini huwapa wanyenyekevu neema.

**Warumi 5:15**

Lakini karama ile haikuwa kama lile kosa; kwa maana ikiwa kwa kukosa kwake yule mmoja wengi walikufa, zaidi sana neema ya Mungu, na kipawa kilicho katika neema yake mwanadamu mmoja Yesu Kristo kimezidi kwa ajili ya wale wengi.

**Tito 3:7**

Ili tukihesabiwa haki kwa neema yake, tupate kufanywa wariithi wa uzima wa milele, kama lilivyo tumaini letu.

**2 Wakorintho 9:15**

Mungu ashukuriwe kwa sababu ya kipawa chake, tusichoweza kukisifu kama ipasavyo.

**Ezekieli 18:31**

**Tupilieni mbali nanyi makosa yenu yote mliyoyakosa; jifanyieni moyo mpya na roho mpya; mbona mnataka kufa, enyi nyumba ya Israeli?**

**Mathayo Mtakatifu 3:2**

**Tubuni; kwa maana ufalme wa mbinguni umekaribia.**

**Luka Mtakatifu 13:3**

**Nawaambia, Sivyoy; lakini msi-potubu, ninyi nyote mtaangamia vivyo hivyo.**

**Matendo Ya Mitume 3:19**

**Tubuni basi, mrejee, ili dhambi zenu zifutwe, zipate kuja nyakati za kuburudishwa kwa kuwako kwake Bwana.**

**Matendo Ya Mitume 17:30**

**Basi, zamani zile za ujinga Mungu alijifanya kama hazioni; bali sasa anawaagiza watu wote wa kila mahali watubu.**

**2 Wakorintho 7:10**

**Maana huzuni iliyo kwa jinsi ya Mungu hufanya toba liletalo wokovu lisilo na majuto; bali huzuni ya dunia hufanya mauti.**

**Luka Mtakatifu 15:7**

**Nawaambia, Vivyo hivyo kuta-kuwa na furaha mbinguni kwa ajili ya mwenye dhambi mmoja atubuye, kuliko kwa ajili ya wenyewe haki tisini na kenda ambao hawana haja ya kutubu.**

**MSAMAHA WA DHAMBI****Marko Mtakatifu 2:5**

Naye Yesu, alipoiona imani yao, akamwambia yule mwenye kupooza, Mwanangu, umesamehewa dhambi zako.

**Matendo Ya Mitume 5:31**

Mtu huyo Mungu amemtukuza kwa mkono wake wa kuume, awe Mkuu na Mwokozi, awape Waisraeli toba na msamaha wa dhambi.

**Ezekieli 18:21**

Lakini mtu mbaya akighairi, na kuacha dhambi zake zote alizozitenda, na kuzishika amri zangu zote, na kutenda yaliyo halali na haki, hakika ataishi, hatakufa.

**Isaya 55:7**

Mtu mbaya na aache njia yake, Na mtu asiye haki aache mawazo yake; Na amrudie BWANA, Naye atamrehemu; Na arejee kwa Mungu wetu, Naye atamsamehe kabisa.

**Ufunuo Wa Yohana 3:20**

Tazama, nasimama mlangoni, nabisha; mtu akiisikia sauti yangu, na kuufungua mlango, nitaingia kwake, nami nitakula pamoja naye, na yeye pamoja nami.

**Mathayo Mtakatifu 6:14**

Kwa maana mkiwasamehe watu makosa yao, na Baba yenu wa mbinguni atawasamehe ninyi.

## **JITENGENI NA ANASA ZA DUNIA**

27

**Waefeso 5:11**

**Wala msishirikiane na matendo yasiyozaa ya giza, bali myakemee.**

**Isaya 1:16**

**Jiosheni, jitakaseni; ondoeni uovu wa matendo yenu usiwe mbele za macho yangu; acheni kutenda mabaya.**

**Wakolosai 3:2**

**Yafikirini yaliyo juu, siyo yaliyo katika nchi.**

**Waraka Wa Yakobo 4:4**

**Enyi wazinzi, hamjui ya kwamba kuwa rafiki wa dunia ni kuwa adui wa Mungu? basi kila atakaye kuwa rafiki wa dunia hujifanya kuwa adui wa Mungu.**

**Waraka Wa Kwanza Wa Yohana 2:15, 16**

**Msiipende dunia, wala mambo yaliyomo katika dunia. Mtu akiipenda dunia, kumpenda Baba hakumo ndani yake. Maana kila kilichomo duniani, yaani, tamaa ya mwili, na tamaa ya macho, na kiburi cha uzima, havitokani na Baba, bali vyatokana na dunia.**

**Tito 2:11, 12**

**Maana neema ya Mungu iwaokoayo wanadamu wote imefunuliwa; nayo yatufundisha kukatua ubaya na tamaa za kidunia; tupate kuishi kwa kiasi, na haki, na utauwa, katika ulimwengu huu wa sasa.**

## KUZALIWA UPYA

**Ezekieli 36:26**

Nami nitawapa ninyi moyo mpya, nami nitatia roho mpya ndani yenu, nami nitatoa moyo wa jiwe uliomo ndani ya mwili wenu, nami nitawapa moyo wa nyama.

**Waraka Wa Kwanza Wa  
Yohana 5:18**

Twajua ya kuwa kila mtu aliyezaliwa na Mungu hatendi dhambi; bali yeye aliyezaliwa na Mungu hujilinda, wala yule mwovu hamgusi.

**Waraka Wa Kwanza Wa  
Petro 1:23**

Kwa kuwa mmezaliwa mara ya pili; si kwa mbegu iharibikayo,

bali kwa ile isiyoharibika; kwa neno la Mungu lenye uzima, lidumulo hata milele.

**2 Wakorintho 5:17**

Hata imekuwa, mtu akiwa ndani ya Kristo amekuwa kiumbe kipyaa; ya kale yamepita; tazama! yamekuwa mapya.

**Yohana Mtakatifu 1:12**

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake.

**Yohana Mtakatifu 3:3**

Yesu akajibu, akanwambia, Amin, amin, nakuambia, Mtu asipozaliwa mara ya pili, hawezi kuuona ufalme wa Mungu.

## **KUFA KWA DHAMBI - KUFUFUKA KATIKA KRISTO 29**

**Waefeso 2:1, 6**

**Nanyi mlikuwa wafu kwa sababu ya makosa na dhambi zenu; . . . Akatufufua pamoja naye, akatuketisha pamoja naye katika ulimwengu wa roho, katika Kristo Yesu.**

**Warumi 6:2, 11**

**Sisi tulioifia dhambi tutaishije tena katika dhambi? . . . Vivyo hivyo ninyi nanyi jihesabuni kuwa wafu kwa dhambi, na walio hai kwa Mungu katika Kristo Yesu.**

**Wakolosai 3:1, 3**

**Basi mkiwa mmefufuliwa pamoja na Kristo, yatafuteni yaliyo juu, Kristo aliko, ameketi mkono**

**wa kuume wa Mungu. . . Kwa maana mlikufa, na ubai wenu umefichwa pamoja na Kristo katika Mungu.**

**Waraka Wa Kwanza Wa Petro 2:24**

**Yeye mwenyewe alizichukua dhambi zetu katika mwili wake juu ya mti; ili, tukiwa wafu kwa mambo ya dhambi, tuwe hai kwa mambo ya haki; na kwa kupigwa kwake mliponywa.**

**Wagalatia 5:24**

**Na hao walio wa Kristo Yesu wameusulibisha mwili pamoja na mawazo yake mabaya na tamaa zake.**

## UZIMA WA MILELE

**Yohana Mtakatifu 5:24**

Amin, amin, nawaambia, Yeye alisikiaye neno langu na kumwamini yeye aliyenipeleka yuna uzima wa milele; wala haingii hukumuni, bali amepita kutoka mauti ni kuingia uzimani.

**Yohana Mtakatifu 17:3**

Na uzima wa milele ndio huu, Wakujue wewe, Mungu wa pekee wa kweli, na Yesu Kristo uliyemtuma.

**Warumi 6:23**

Kwa maana mshahara wa dhambi ni mauti; bali karama ya Mungu ni uzima wa milele katika Kristo Yesu Bwana wetu.

**Yohana Mtakatifu 3:14, 15**

Na kama vile Musa alivyomwina yule nyoka jangwani, vivyo hivyo Mwana wa Adamu hana budi kuinuliwa; ili kila mtu aaminiye awe na uzima wa milele katika yeye.

**Yohana Mtakatifu 3:36**

Amwaminiye Mwana yuna uzima wa milele; asiyemwamini Mwana hataona uzima, bali ghadhabu ya Mungu inamkalia.

**Wagalatia 6:8**

Maana yeye apandaye kwa mwili wake, katika mwili wake atavuna uharibifu; bali yeye apandaye kwa Roho, katika Roho atavuna uzima wa milele.



**Wagalatia 4:6**

**Na kwa kuwa ninyi mmekuwa wana, Mungu alimtuma Roho wa Mwanawe mioyoni mwetu, alia-ye, Aba, yaani, Baba.**

**Waraka Wa Kwanza Wa  
Yohana 4:13**

**Katika hili tunafahamu ya ku-  
wa tunakaa ndani yake, naye nda-  
ni yetu, kwa kuwa ametushiriki-  
sha Roho wake.**

**Yohana Mtakatifu 14:21**

**Yeye aliye na amri zangu, na  
kuzishika, yeye ndiye anipendaye;  
naye anipendaye atapendwa na  
Baba yangu; nami nitampenda na  
kujidhibirisha kwake.**

**Warumi 8:16**

**Roho mwenyewe hushuhudia  
pamoja na roho zetu, ya kuwa  
sisi tu watoto wa Mungu.**

**Waraka Wa Kwanza Wa  
Yohana 3:18**

**Watoto wadogo, tusipende kwa  
neni, wala kwa ulimi, bali kwa  
tendo na kweli.**

**Waraka Wa Kwanza Wa  
Yohana 3:24**

**Naye azishikaye amri zake hu-  
kaa ndani yake yeye, naye ndani  
yake. Na katika hili tunajua ya  
kuwa anakaa ndani yetu, kwa hu-  
yo Roho aliyetupa.**

## **32 KUISHI KWA KRISTO MOYONI HULETA FURAHA**

**Yohana Mtakatifu 17:13**

**Na sasa naja kwako; na mane-no haya nayasema ulimwenguni, ili wawe na furaha yangu imetimizwa ndani yao.**

**Isaya 12:3**

**Basi, kwa furaha mtateka maji katika visima vya wokovu.**

**Warumi 14:17**

**Maana ufalme wa Mungu si kula wala kunywa, bali ni haki na amani na furaha katika Roho Mtakatifu.**

**Waefeso 3:17**

**Kristo akae moyoni mwenu kwa imani mkiwa na shina na msingi katika upendo.**

**Zaburi 16:11**

**Utanjulisha njia ya uzima; Mbele za uso wako ziko furaha tele; Na katika mkono wako wa kuume Mna mema ya milele.**

**Wagalatia 2:20**

**Nimesulibiwa pamoja na Kristo; lakini ni hai; wala si mimi tena, bali Kristo yu hai ndani yangu; na uhai nilio nao sasa katika mwili, ninao katika imani ya Mwana wa Mungu, ambaye alinipenda akajitoa nafsi yake kwa ajili yangu.**

**Yohana Mtakatifu 15:11**

**Hayo nimewaambia, ili furaha yangu iwe ndani yenu, na furaha yenu itimizwe.**

## Warumi 6:16

Hamjui ya kuwa kwake yeye ambaye mnajitoa nafsi zenu kuwa watumwa wake katika kumtii, mmekuwa watumwa wake yule mnayemtii, kwamba ni utumishi wa dhambi uletao mauti, au kwamba ni utumishi wa utii uletao haki

## 2 Wathesalonike 1:7-9

Na kuwalipa ninyi mteswao raha pajoma na sisi; wakati wa kufunuliwa kwake Bwana Yesu kutoka mbinguni pamoja na malai-ka wa uweza wake; katika mwali wa moto; huku akiwalipiza kisasi wao wasiomjua Mungu, na wao

wasioitii Injili ya Bwana wetu Yesu; watakaoadhibiwa kwa maangamizi ya milele, kutengwa na uso wa Bwana na utukufu wa nguvu zake.

## 1 Samweli 12:15

Bali msipoisikia sauti ya BWANA, mkiiasi amri ya BWANA, ndipo mkono wa BWANA utakuwa juu yenu, kama ulivyokuwa juu ya baba zenu.

## Matendo Ya Mitume 2:38

Petro akawaambia, Tubuni mkabatizwe kila mmoja kwa jina lake Yesu Kristo, mpate ondoleo la dhambi zenu, nanyi mtapokea kipawa cha Roho Mtakatifu.

## KUUNGAMA KRISTO NI MUHIMU

**Mathayo Mtakatifu 10:32, 33**

**Basi, kila mtu atakayenikiri mbele ya watu, nami nitamkiri mbele za Baba yangu aliye mbinguni. Bali mtu ye yote atakayenikana mbele ya watu, nami nitamkana mbele za Baba yangu aliye mbinguni.**

**Warumi 10:9, 10**

**Kwa sababu, ukimkiri Yesu kwa kinywa chako ya kuwa ni Bwana, na kuamini moyoni mwako ya kuwa Mungu alimfufua katika wafu, utaokoka, Kwa mana kwa moyo mtu huamini hata kupata haki, na kwa kinywa hukiri hata kupata wokovu.**

**Luka Mtakatifu 9:26**

**Kwa sababu kila atakayenionea haya mimi na maneno yangu, Mwana wa Adamu atamwonea haya mtu buyo, atakapokuja katika utukufu wake na wa Baba na wa malaika watakatifu.**

**Waraka Wa Kwanza**

**Wa Yohana 2:23**

**Kila amkanaye Mwana, hanaye Baba; amkiriye Mwana anaye Baba pia.**

**Wafilipi 2:11**

**Na kila ulimi ukiri ya kuwa YESU KRISTO NI BWANA, kwa utukufu wa Mungu Baba.**

**Waraka Wa Kwanza  
Wa Petro 5:8**

**Mwe na kiasi na kukesha; kwa kuwa mshitaki wenu Ibilisi, kama simba angurumaye, huzungukazunguka, akitafuta mtu ammeze.**

**Waefeso 6:11**

**Vaeni silaha zote za Mungu, mpate kuweza kuzipinga hila za Shetani.**

**Mathayo Mtakatifu 4:1, 10, 11**

**Kisha Yesu alipandishwa na Roho nyikani, ili ajaribiwe na Ibilisi. . . . Ndipo Yesu alipomwambia, Nenda zako, Shetani; kwa maana imeandikwa, Msujudie Bwana Mungu wako, umwa-**

**budu yeye peke yake. Kisha Ibilisi akamwacha; na tazama, waka-ja malaika wakamtumikia.**

**2 Wathesalonike 2:9**

**Yule ambaye kuja kwake ni kwa mfano wa kutenda kwake Shetani, kwa uwezo wote, na ishara na ajabu za uongo.**

**Matendo Ya Mitume 26:18**

**Uwafumbue macho yao, na kuwageuza waiache giza na kuielekea nuru, waziache na nguvu za Shetani na kumwelekea Mungu; kisha wapate msamaha wa dhambi zao, na urithi miongoni mwao waliotakaswa kwa imani iliyo kwangu mimi.**

**Waraka Wa Yakobo 4:7, 8a**  
**Basi mtiini Mungu. Mpingeni Shetani, naye atawakimbia. Mkaribieni Mungu, naye atawakaribia ninyi.**

**Waraka Kwa Waebrania 2:14**  
**Basi, kwa kuwa watoto wame-shiriki damu na mwili, yeye naye vivyo hivyo alishiriki yayo hayo, ili kwa njia ya mauti amharibu yeye aliyekuwa na nguvu za mauti, yaani, Ibilisi.**

**Waraka Wa Kwanza**  
**Wa Yohana 3:8**

**Atendaye dhambi ni wa Ibilisi; kwa kuwa Ibilisi hutenda dhambi tangu mwanzo. Kwa kusudi hili**

**Mwana wa Mungu alidhihirishwa, ili azivunje kazi za Ibilisi.**

**Warumi 8:35, 37**

**Ni nani atakayetutenga na upe-ndo wa Kristo? Je! ni dhiki, au shida, au adha, au njaa, au uchi, au hatari, au upanga? . . . Lakini katika mambo hayo yote tunashi-nda, na zaidi ya kushinda, kwa yeye aliyetupenda.**

**2 Wathesalonike 2:8**

**Hapo ndipo atakapofunuliwa yule asi, ambaye Bwana Yesu a-tamwua kwa pumzi ya kinywa chake, na kumwangamiza kwa u-funuo wa kuwapo kwake.**

**Yohana Mtakatifu 13:35**

**Hivyo watu wote watatambua ya kuwa ninyi mmekuwa wanafunzi wangu, mkiwa na upendo ninyi kwa ninyi.**

**Yohana Mtakatifu 21:16**

**Akamwambia tena mara ya pili, Simoni wa Yohana, wanipenda? Akamwambia, Ndiyo, Bwana, wewe wajua kuwa nakupenda. Akamwambia, Chunga kondoo zangu.**

**1 Wakorintho 13:1**

**Nijaposema kwa lugha za wanadamu na za malaika, kama sina upendo, nimekuwa shaba iliayo na upatu uvumao.**

**Wagalatia 5:22, 23a**

**Lakini tunda la Robo ni upendo, furaha, amani, uvumilivu, utu wema, fadhili, uaminifu, upole, kiasi.**

**Waraka Wa Kwanza**

**Wa Yohana 4:20**

**Mtu akisema, Nampenda Mungu, naye anamchukia ndugu yake, ni mwongo; kwa maana asiye-mpenda ndugu yake ambaye amemwona, hawezi kumpenda Mungu ambaye hakumwona.**

**Waraka Wa Kwanza**

**Wa Yohana 5:3a**

**Kwa maana huku ndiko kumpenda Mungu, kwamba tuzishike amri zake. . .**

## KUFUFUKA KWAKE YESU KRISTO

**Matendo Ya Mitume 10:39-41**

Nasi tu mashahidi wa mambo yote aliyoyatenda katika nchi ya Wayahudi na katika Yerusalemu; ambaye walimwua wakamtundika mtini. Huyu Mungu alimfufua siku ya tatu, akamjalia kudhibirika, si kwa watu wote, bali kwa mashahidi waliokuwa wamekwisha kuchaguliwa na Mungu, ndio sisi, tuliokula na kunywa pamoja naye baada ya kufufuka kwake kutoka kwa wafu.

**Marko Mtakatifu 16:9**

Naye alipofufuka alfajiri siku ya kwanza ya juma, alimtokea

kwanza Mariamu Magdalene, ambaye kwamba alimtoa pepo saba.

**Yohana Mtakatifu 20:26-28**

Basi, baada ya siku nane, wanafunzi wake walikuwamo ndani tena, na Tomaso pamoja nao. Akaja Yesu, na milango imefungwa, akasimama katikati, akasema, Amani iwe kwenu. Kisha akamwambia Tomaso, Lete hapa kidole chako; uitazame mikono yangu; ulete na mkono wako uutie ubavuni mwangu; wala usiwe asiyeamini, bali aaminiye. Tomaso akajibu, akamwambia, Bwana wangu na Mungu wangu!



**Mathayo Mtakatifu 16:21**

**Tangu wakati huo Yesu alianza kuwaonya wanafunzi wake ya kwamba imempasa kwenda Yerusalemu, na kupata mateso mengi kwa wazee na wakuu wa makuhani, na waandishi, na kuuawa, na siku ya tatu kufufuka.**

**Yohana Mtakatifu 5:25, 28, 29**

**Amin, amin, nawaambia, Saa inakuja, na sasa ipo, wafu watakapoisikia sauti ya Mwana wa Mungu, na wale waisikia watakuwa hai. . . Msistaajabie maneno hayo; kwa maana saa yaja, ambayo watu wote waliomo makaburini wataisikia sauti yake.**

**Nao watatoka; wale waliofanya meme kwa ufufuo wa uzima, na wale waliotenda mabaya kwa ufufuo wa hukumu.**

**Warumi 6:3 - 5**

**Hamfahamu ya kuwa sisi sote tuliobatizwa katika Kristo Yesu tulibatizwa katika mauti yake? Basi tulizikwa pamoja naye kwa njia ya ubatizo katika mauti yake, kusudi kama Kristo alivyofufuka katika wafu kwa njia ya utukufu wa Baba, vivyo hivyo na sisi tuenende katika upya wa uzima. Kwa maana kama tulivyounganika naye katika mfano wa mauti yake, kadhalika tutaunganika kwa mfano wa kufufuka kwake.**

**2 Wakorintho 7:1**

Basi, wapenzi wangu, kwa kuwa tuna ahadi hizo, na tujitakase nafsi zetu na uchafu wote wa mwili na roho, huku tukitimiza utakatifu katika kumcha Mungu.

**2 Timotheo 2:21**

Basi ikiwa mtu amejitakasa kwa kujitenga na hao, atakuwa chombo cha kupata heshima, kili-chosafishwa, kimfaacho Bwana, kimetengenezwa kwa kila kazi iliyo njema.

**Waraka Wa Kwanza****Wa Petro 1:2**

Kama vile Mungu Baba alivyotangulia kuwajua katika kutaka-

swa na Roho, hata mkapata kutii na kunyunyiziwa damu ya Yesu Kristo. Neema na amani na ziongezwe kwenu.

**Waraka Wa Kwanza****Wa Petro 1:15**

Bali kama yeye aliyewaita alivyo mtakatifu, ninyi nanyi iweni watakatifu katika mwenendo wenu wote.

**Waefeso 1:4**

Kama vile alivyotuchagua katika yeye kabla ya kuwekwa misi-ngi ya ulimwengu, ili tuwe watakatifu, watu wasio na hatia mbele zake katika pendo.

**Isaya 35:8**

Na hapo patakuwa na njia kuu, na njia, nayo itaitwa, Njia ya utakatifu; wasio safi hawatapita juu yake; bali itakuwa kwa ajili ya watu hao; wasafirio, wajapokuwa wajinga, hawatapotea katika njia hiyo.

**Waraka Kwa Waebrania 13:12**

Kwa ajili hii Yesu naye, ili awatakase watu kwa damu yake mwenyewe, aliteswa nje ya lango.

**Waraka Wa Kwanza Wa Yohana 1:9**

Tukiziungama dhambi zetu, Yeye ni mwaminifu na wa haki hata atuondolee dhambi zetu, na kutusafisha na udhalimu wote.

**Mathayo Mtakatifu 3:11**

Kweli mimi nawabatiza kwa maji kwa ajili ya toba; bali yeye ajaye nyuma yangu ana nguvu kuliko mimi, wala sistahili hata kuvichukua viatu vyake; yeye atabatiza kwa Roho Mtakatifu na kwa moto.

**Luka Mtakatifu 1:74, 75**

Ya kwamba atatujalia sisi, Tuo-koke mikononi mwa adui zetu, Na kumwabudu pasipo hofu, Kwa utakatifu na kwa haki Mbele zake siku zetu zote.

**Waefeso 4:24**

Mkavae utu mpya, uliombwa kwa namna ya Mungu katika haki na utakatifu wa kweli.

## **42 WATU WALIYOJAZWA NA ROHO MTAKATIFU**

**Ezekieli 36:27**

**Nami nitatia roho yangu ndani yenu, na kuwaendesha katika sheria zangu, nanyi mtazishika hukumu zangu, na kuzitenda.**

**Warumi 8:9**

**Lakini ikiwa Roho wa Mungu anakaa ndani yenu, ninyi hamwufuati mwili; bali mwaifuata roho. Lakini mtu awaye yote asipokuwa na Roho wa Kristo, huyo si wake.**

**Matendo Ya Mitume 11:24**

**Maana alikuwa mtu mwema amejaa Roho Mtakatifu na imani; watu wengi wakaongezeka upande wa Bwana.**

**Luka Mtakatifu 11:13**

**Basi, ikiwa ninyi mlio waovu mnajua kuwapa watoto wenu vipawa vyema, je! Baba aliye mbinguni hatazidi sana kuwapa Roho Mtakatifu hao wamwombao?**

**Matendo Ya Mitume 1:8a**

**Lakini mtapokea nguvu, akisha kuwajilia juu yenu Roho Mtakatifu; nanyi mtakuwa mashahidi wangu. . .**

**Matendo Ya Mitume 4:31**

**Hata walipokwisha kumwomba Mungu, mahali pale walipokusanyika pakatikiswa, wote wakajaa Roho Mtakatifu, wakanena neno la Mungu kwa ujasiri.**

**Zaburi 34:18**

**BWANA** yu karibu nao walio-  
vunjika moyo, Na waliopondeka  
roho huwaokoa.

**Isaya 66:2**

Maana mkono wangu ndio u-  
liofanya hivi vyote, vitu hivi vyo-  
te vikapata kutokea, asema BWA-  
NA; lakini mtu huyu ndiye nita-  
kayemwangalia, mtu aliye mnyo-  
nge, mwenye roho iliyopondeka,  
atetemekaye asikiapo neno langu.

**Ufunuo Wa Yohana 21:4**

Naye atafuta kila chozi katika  
macho yao, wala mauti haitaku-  
wapo tena; wala maombolezo, wa-  
la kilio, wala maumivu hayataku-

wapo tena; kwa kuwa mambo ya  
kwanza yamekwisha kupita.

**Waraka Wa Kwanza**

**Wa Petro 4:12, 13**

Wapenzi, msione kuwa ni aja-  
bu ule msiba ulio kati yenu, unao-  
wapata kama moto ili kuwajari-  
bu, kana kwamba ni kitu kigeni  
kiwapatacho. Lakini kama mna-  
vyoyashiriki mateso ya Kristo, fu-  
rahini; ili na katika ufunuo wa  
utukufu wake mfurahi kwa sha-  
ngwe.

**Zaburi 37:3**

Umtumaini BWANA ukatende  
mema, Ukae katika nchi, upende-  
zwe na uaminifu.

## AHADI KWA WAJARIBIWAO

**Waraka Kwa Waebrania 2:18**

Na kwa kuwa mwenyewe alite-swa alipojaribiwa, aweza kuwa-saidia wao wanaojaribiwa.

**Zaburi 34:19**

Mateso ya mwenye haki ni me-  
ngi, Lakini BWANA humponya  
nayo yote.

**1 Wakorintho 10:13**

Jaribu halikuwapata ninyi, isi-  
pokuwa lililo kawaida ya wana-  
damu; ila Mungu ni mwaminifu;  
ambaye hatawaacha mjaribiwe  
kupita mwezavyo; lakini pamoja  
na lile jaribu atafanya na mlango  
wa kutokea, ili mweze kustahimili.

**Isaya 43:2**

Upitapo katika maji mengi ni-  
takuwa pamoja nawe; na katika  
mito, haitakugharikisha; uendapo  
katika moto, hutateketea; wala  
mwali wa moto hautakuunguza.

**Warumi 8:28**

Nasi twajua ya kuwa katika  
mambo yote Mungu hufanya kazi  
pamoja na wale wampendao kati-  
ka kuwapatia mema, yaani, wale  
walioitwa kwa kusudi lake.

**Warumi 16:20**

Naye Mungu wa amani atamse-  
ta Shetani chini ya miguu yenu  
upes. Neema ya Bwana wetu  
Yesu Kristo na iwe pamoja nanyi.

**Ufunuo Wa Yohana 21:7**

**Yeye ashindaye atayarithi haya, nami nitakuwa Mungu wake, naye atakuwa mwanangu.**

**Ufunuo Wa Yohana 3:5**

**Yeye ashindaye atavikwa hivyo mavazi meupe, wala sitalifuta kamwe jina lake katika kitabu cha uzima, nami nitalikiri jina lake mbele za Baba yangu, na mbele ya malaika zake.**

**Ufunuo Wa Yohana 3:21**

**Yeye ashindaye, nitampa kuke-ti pamoja nami katika kiti changu cha enzi, kama mimi nilivyoshinda nikaketi pamoja na Baba yangu katika kiti chake cha enzi.**

**Ufunuo Wa Yohana 3:12**

**Yeye ashindaye, nitamfanya ku-wa nguzo katika hekalu la Mungu wangu, wala hatatoka humo tena kabisa, nami nitaandika juu yake jina la Mungu wangu, na jina la mji wa Mungu wangu, huo Yerusalemu mpya, ushukao kuto-ka mbinguni kwa Mungu wangu, na jina langu mwenyewe, lile jipya.**

**Ufunuo Wa Yohana 2:7**

**Yeye aliye na sikio, na alisikie neno hili ambalo Roho ayaambia makanisa. Yeye ashindaye, nitampa kula matunda ya mti wa uzima, ulio katika bustani ya Mungu.**

## **46 MUNGU ANENA NASI JUU YA HATI YA TALAKA**

**Mathayo Mtakatifu 5:32**

**Lakini mimi nawaambia, Kila mtu amwachaye mkewe, isipokuwa kwa habari ya uasherati, amfanya kuwa mzinzi; na mtu aki-mwoa yule aliyeachwa, azini.**

**1 Wakorintho 7:10, 11, 39**

**Lakini wale waliokwisha kuona nawaagiza; wala hapo si mimi, ila Bwana; mke asiachane na mumewe; lakini, ikiwa ameachana naye, na akae asiolewe, au apatane na mumewe; tena mume asimwache mkewe. . . Mwanamke hufungwa maadamu mumewe yu hai, lakini ikiwa mumewe amefariki, yu huru kuolewa na mtu ye yote amtakaye; katika Bwana tu.**

**Luka Mtakatifu 16:18**

**Kila amwachaye mkewe na kumwoa mke mwingine azini; naye amwoaye yeye aliyeachwa na mumewe azini.**

**Warumi 7:2, 3**

**Kwa maana mwanamke aliye na mume amefungwa na sheria kwa yule mume wakati anapokuwa yu hai; bali akifa yule mume, amefunguliwa katika ile sheria ya mume. Basi wakati awapo hai mumewe, kama akiwa na mume mwingine huitwa mzinzi. Ila mumewe akifa, amekuwa huru, hufungwi na sheria hiyo, hata yeye si mzinzi, ajapolewa na mume mwingine.**



## **Yohana Mtakatifu 14:3**

Basi mimi nikienda na kuwandalia mahali, nitakuja tena niwakaribishe kwangu; ili nilipo mimi, nanyi mwepo.

## **Matendo Ya Mitume 1:11**

Wakasema, Enyi watu wa Galilaya, mbona mmesimama mkitazama mbinguni? Huyu Yesu aliyechukuliwa kutoka kwenu kwenda juu mbinguni, atakuja jinsi iyo hiyo mlivyomwona akienda zake mbinguni.

## **Waraka Wa Yakobo 5:8**

Nanyi vumilieni, mthibitishe mioyo yenu, kwa maana kuja kwake Bwana kunakaribia.

## **Marko Mtakatifu 8:38**

Maana kila mtu atakayenionea haya mimi, na maneno yangu, katika kizazi hiki cha uzinzi na dhambi, Mwana wa Adamu atamwonea haya mtu huyo, atakapokuja katika utukufu wa Baba yake pamoja na malaika watakatifu.

## **Mathayo Mtakatifu 24:30**

Ndipo itakapoonekana ishara yake Mwana wa Adamu mbinguni; ndipo mataifa yote ya ulimwengu watakapoomboleza, nao watamwona Mwana wa Adamu aki-ja juu ya mawingu ya mbinguni pamoja na nguvu na utukufu mwingi.

**Luka Mtakatifu 21:27**

Hapo ndipo watakapomwona Mwana wa Adamu akija katika wingu pamoja na nguvu na utukufu mwingi.

**Luka Mtakatifu 12:40**

Nanyi jiwekeni tayari, kwa kuwa saa msiyodhani ndipo ajapo Mwana wa Adamu.

**Waraka Wa Kwanza Wa  
Yohana 3:2**

Wapenzi, sasa tu wana wa Mungu, wala haijadhahirika bado tutakavyokuwa; lakini twajua ya kuwa atakapodhibirishwa, tutafanana naye; kwa maana tutamwona kama alivyo.

**Ufunuo Wa Yohana 16:15**

Tazama, naja kama mwivi. Heri akeshaye, na kuyatunza mavazi yake, asiende uchi hata watu wakaone aibu yake.

**Mathayo Mtakatifu 24:27**

Kwa maana kama vile umeme utokavyo mashariki ukaonekana hata magharibi, hivyo ndivyo kutakavyokuwa kuja kwake Mwana wa Adamu.

**Mathayo Mtakatifu 16:27**

Kwa sababu Mwana wa Adamu atakuja katika utukufu wa Baba yake pamoja na malaika zake; ndipo atakapomlipa kila mtu kwa kadiri ya matendo yake.

## **NJIA YA MUNGU YA WOKOVU**

### ***Ninamhitaji Mwokozi.***

**Kwa sababu wote wamefanya dhambi, na kupungukiwa na utukufu wa Mungu. —Warumi 3:23**

**Lakini maovu yenu yamewafarikisha ninyi na Mungu wenu. —Isaya 59:2a**

### ***Kristo aliniia.***

**Kwa maana Kristo naye aliteswa mara moja kwa ajili ya dhambi, mwenye haki kwa ajili yao wasio haki, ili atulete kwa Mungu.**

**—1 Petro 3:18a**

### ***Ninahitaji kutubu dhambi zangu.***

**Tubuni basi, mrejee, ili dhambi zenu zifutwe, zipate kuja nyakati**

**za kuburudishwa kwa kuwako kwake Bwana. —Matendo 3:19a**

**Afichaye dhambi zake hatafani-kiwa; Bali yeye aziungamaye na ku-ziacha atapata rehema.**

**—Mithali 28:13**

### ***Ni Lazima nimpokee***

### ***Yesu kwa imani.***

**Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake. —Yohana 1:12**

### ***Ninaweza kuwa na***

### ***uhakika wa wokovu wangu.***

**Yeye aliye naye Mwana, anao huo uzima. —1 Yohana 5:12a**

Published in numerous languages by World Missionary Press as God supplies funds in answer to prayer. If you would like more copies for careful distribution, please write to us in English.

**World Missionary Press, Inc.  
P.O. Box 120  
New Paris, IN 46553-0120 USA**

Kenya

SWA